

史料旬刊

第三十一期

史記卷第

卷之二十一

中華民國二十年四月一日出版

史料旬刊第三十一期

編輯所 故宮博物院文獻館

發行所 神武門外發售室

印刷所 京華印書局



費		表目價		預定半年 冊	預定全年 冊
每期 一角	外埠	每旬一冊	四角		
天津	本市	外埠	六元五角	十八	三十六
天津	上海	外國	十二元	十二	二十
天津	上海	本院發 物均交郵 局發 送以 免遺失	掛號遞 送以 免遺失	本院發 物均交郵 局發 送以 免遺失	本院發 物均交郵 局發 送以 免遺失
天津	其他各大書店均有代售	商務印書館	中華書局		
天津	上海	文明書局	世界書局及		

史料旬刊第三十一期目錄

古文真賞

清道光朝關稅案 原件藏大高殿

(一) 阿爾邦阿摺

(二) 常 興摺

(三) 常 興摺二

(四) 常 興摺三

(五) 魏元煜摺

(六) 法式尙阿摺

(七) 哈郎阿摺

(八) 廉 善摺

清乾隆朝福建督撫伍拉納浦霖等受賄被誅案 原件藏大高殿

(一) 姚長魁
奏摺 撥二

(二) 哈當阿
奏摺 撇一

(三) 哈當阿摺

(四) 魁
姚長魁
擗三

(五) 魁
姚麟倫
擗四

(六) 魁
姚麟倫
擗四

(七) 魁
姚麟倫
擗五

(八) 魁
姚麟倫
擗六

(九) 吉
慶片

(十) 編
伊齡阿
擗

(十一) 魁
長
倫麟
擗七

(十二) 魁
長
倫麟
擗二

(十三) 魁
長
倫麟
擗八

(十四) 上
諭三

(十五) 上
諭四

(十六) 上
諭五

兩江總督那蘇圖查奏太倉州並各屬所存蟒鏈悉行掣燬擗 原件藏二所

乾隆朝外洋通商案 原件藏三所

(二) 雅爾哈善摺

(二) 班 第摺

(三) 施廷專摺

(四) 陳弘謀摺

(五) 雅爾哈善摺二

陝西巡撫陳弘謀奏覆陝西一省古昔帝王陵寢聖賢忠烈墳墓應行圈築圍
牆防護呈候欽定摺 原件藏三所

清道光朝關稅案

阿爾邦阿摺

奴才阿爾邦阿跪奏爲恭報關稅一年期滿征收總數仰祈聖鑒事竊照粵海關征收正雜銀兩向例一年期滿先將總數奏明俟查核支銷確數另行恭疏具題並分款造冊委員解部歷年遵照辦理嘉慶四年五月承准戶部劄行欽奉上諭向來各關征稅於正額之外將盈餘之項比較上三屆征收最多年分如有不敷即著經征之員賠補以致司榷各員藉端苛斂而賠繳之項仍未能如數完交徒屬有名無實因思各關情形不同所有盈餘數目自應酌中定制以歸核實而示體恤已於戶部所奏各關盈餘銀數清單內經朕查照往年加多之數分別核減自此次定額之後倘各關每年盈餘於新定之數再有短少即行著落賠補如於定數或有多餘亦即儘收儘解其三年比較之例永行停止欽此並奉欽定粵海關盈餘銀入十五萬五千五百兩欽遵在案茲查壬午年分關稅自嘉慶二十四年十月二十六日起扣至二十五年十月二十五日止一年期滿大關各口共征收銀一百四十七萬九千八百二十兩一錢二厘

除征足欽定盈餘八十五萬五千五百兩外計多收銀六十二萬四千三百二十兩一錢二厘除將到關船隻及貨物粗細分別造具清冊送部核對外所有關稅一年期滿征收總數理合恭摺具奏伏乞皇上睿鑒謹奏道光元年正月初二日奉硃批覽欽此

十一月十九日

附片

再奴才承准總管內務府劄^示發參斤到粵應變價銀八萬一百六十兩奴才當卽照依例價加價發商售^出俟參斤繳齊隨同壬午年分稅餉解交內務府理合附片陳明謹奏道光元年正月初二日奉硃批覽欽此

常興摺

奴才常興跪奏爲九江關庫錢糧接收清楚恭摺具奏仰祈聖鑒事竊奴才於正月十八日抵任當將接印^示任事日期專摺奏聞並聲明將庫貯錢糧查收清楚再行陳奏茲准護任九江府知府馬榮造冊移交奴才隨即按欵查對前監

督廣惠任內所征關稅自嘉慶二十五年正月初九日起至十二月十四日止共征正耗銀五十萬五千十三兩三錢四分二厘內除撥過江南河庫銀十萬兩又例支一切經費銀一萬四百九十一兩七錢九分九厘實存正耗銀三十九萬四千五百二十二兩五錢四分二厘又積收平飯等項共銀三萬四千八百五十兩八錢三分四厘除照例開支外實存銀二萬四千六百三十三兩六錢六分又二十五年分窯工存解銀九千二百八十八兩七錢五分三厘又積平存解銀一千九百七十一兩四錢護任九江府知府馬榮自十二月十五日起至道光元年正月初八日一年期滿止共征正耗銀二萬五千六百九兩八錢四分六厘又積收平飯等項共銀一千七百六十七兩五錢九分三厘除照例開支外實存銀二萬七千二十兩九錢五六厘又道光元年分關稅該府馬榮自正月初九日接征起至十七日止共征正耗銀一萬八百六十兩四錢八分七厘又積收平飯等項共銀七百四十九兩五錢二分除照例開支外實存銀一萬二百十八兩三錢六分三厘以上正護兩任實存新舊正雜各款通共銀四十六萬七千六百五十五兩六錢七分四厘奴才提齊簿冊逐款查核均

屬支貯相符並無短少除照例結報戶部外合將接收庫項清楚緣由恭摺奏報伏乞皇上聖鑒謹奏道光元年二月二十一日奉硃批知道了欽此 二月初一日

常興摺二

奴才常興跪奏爲前任經徵關稅一年期滿據實陳明仰祈聖鑒事竊照嘉慶四年四月內准戶部劄開欽奉上諭各關盈餘銀兩應酌中定制分別核減自此次定額後每年盈餘於新定之數再有短少即著落賠補如有多餘儘收儘解其三年比較之例永行停止等因欽此並恭錄欽定九江關盈餘銀三十四萬七千八百兩行知在案又於嘉慶九年七月內准戶部劄開籌議關稅盈餘奏准奉旨九江關盈餘額數著定爲三十六萬七千兩欽此劄知到關茲查前監督廣惠經徵九江關稅自嘉慶二十五年正月初九日起至十二月十四日止計十一個月零六日共收正耗銀五十萬五千十三兩三錢四分二厘護任九江府知府馬榮於十二月十五日接徵起至道光元年正月初八日止計二

十四日共收正耗銀二萬五千六百九兩八錢四分六厘統計二任一年期滿
共收正耗銀五十三萬六百二十三兩一錢八分八厘內除耗銀四萬二千五
百四十三兩二錢一分七厘又除正額銀十七萬二千二百八十一兩三錢六
厘實盈餘銀三十一萬五千七百九十八兩六錢六分五厘遵照嘉慶九年續
奉欽定九江關盈餘銀三十六萬七千兩核計少收盈餘銀五萬一千二百一
兩三錢三分五厘奴才抵任後接收交代時提齊各項稅簿查核徵數均屬相
符惟未能赶敷足額究係該監督等辦理不善所有該年短少盈餘銀兩應請
旨着落前監督廣惠並護任九江府知府馬榮各按經徵月日照數分賠以重
國課而遵定額除本年考核由奴才照例另疏題報外理合恭摺具奏伏乞皇
上聖鑒謹奏道光元年二月二十四日奉硃批欽此 二月初三日

常興摺三

奴才常興跪奏爲關稅年欵一報解完竣所有積餘照例奏繳事竊照關稅錢糧
納戶數目多寡不齊在關徵收由零聚整手輕手重勢難脗合致有積餘銀兩

而由關報解彈兌亦有輕重不一卽將此項積餘銀兩添補以清年款案經前任監督伊齡阿奏明奉旨勅交軍機大臣議覆遵辦在案茲查前監督廣惠任內自嘉慶二十四年正月初九日起至二十五年正月初八日止共積餘銀一萬五千一百四十二兩除照例添補各項並給承解員役盤費外實存積餘銀一千九百七十一兩四錢該年錢糧業經報解完竣所有用存銀兩理合解繳造辦處充公謹此具奏伏乞皇上聖鑒謹奏道光元年二月二十四日奉硃批該衙門知道欽此

二月初三日

魏元煜摺

兼署兩江總督江蘇巡撫臣魏元煜跪奏爲欽奉諭旨查議海關茶船出口情形先行恭摺覆奏仰祈聖鑒事竊於本年三月初三日接到督臣孫玉庭於山東途次加封遞交軍機大臣字寄道光元年二月十五日奉上諭據戶部會同吏兵兩部議覆給事中孫世昌奏請照舊例禁止江海關茶船出洋一摺商販茶船向由海道運至內地銷售嗣經蔣攸銛奏請禁止出洋令其由內河販運

上年復經陳桂生以江海關稅課短絀奏請仍准茶船出口嚴查偷漏當經降旨准行茲該給事中復以禁止茶船出洋杜絕夾帶通洋積弊爲請海關商販出口船隻必不止於茶葉一項是否禁止茶船即可盡絕偷漏夾帶之弊著孫玉庭魏元煜詳查明確務使商民胥便奸弊悉除會同妥議奏明辦理戶部議覆原摺並著發交閱看將此諭令知之欽此臣跪讀之下仰見我皇上慎重海防恤商杜弊之至意臣查沿海地方鐵器火藥米穀等物定例禁止出口至茶葉爲民間日用所需或由海運或由內河悉聽商販自便是以海關則例內載有茶稅名目臣前在廣東藩司任內知嘉慶二十二年七月內前兩廣督臣蔣攸鈜以茶葉爲西洋夷人日食疾病必不可少之物而咷咷銷售更多若禁止出洋實爲控制之要道具摺密奏奉旨嗣後販茶赴粵之商人俱照舊例令由內河行走永禁出洋等因欽此是蔣攸鈜原奏係專指赴粵茶商不准海運其販往江南天津之茶向由海船裝載者聲明在所不禁嗣於嘉慶二十五年九月復經前江蘇撫臣陳桂生以茶販由江海關北赴山東奉天等省與南往粵省經歷重洋易致偷漏者情形迥別奏奉上諭准其仍照海關則例輸稅放

行今據給事中孫世昌奏稱風聞江海關近口一帶放米出洋價常三倍更兼私帶火藥鐵器其利更甚請無令茶船出口等語經戶部會同吏兵二部奏奉諭旨交督臣孫玉庭與臣會同妥議臣查給事中孫世昌原奏禁止茶船出口之意專爲杜絕夾帶禁物起見惟江海關出口船隻爲類甚多誠如聖諭不止茶葉一項若專禁茶販恐海防未得其益商民先受其累臣再四思維海洋茶販總以是否能通外夷爲斷如江海關出口茶船藉運往山東天津爲名實則可以偷赴粵洋自應禁其海運以杜流弊倘止係運赴山東天津等處從無偷入粵洋之事似宜仍照舊例准其輸稅放行至於禁止偷漏章程向有成例可循已屬嚴明周備祇有飭令管理關口文武員弁認真稽查自可杜夾帶偷漏之弊現已札調管關道員龔麗正來省詳細訪察通盤籌畫俟督臣孫玉庭回任卽當會商妥議另請聖訓祇遵謹先恭摺覆奏伏乞皇上聖鑒謹奏道光元年三月二十四日奉硃批妥議具奏欽此 三月十一日

法式尙阿摺

奴才宗室法式尙阿跪奏爲差滿一年循例奏聞仰祈聖鑒事竊奴才前蒙派
管張家口稅務於嘉慶二十五年三月十七日到任接前任監督承安自嘉慶
二十五年正月初一日起扣至本年正月初一日止前後接算共計一年差滿
經戶部具題奉旨這差仍著法式尙阿接管俟扣滿一年再行更換欽此欽遵
當經奴才恭摺將前任及奴才任內徵收正額盈餘銀數各項動支數目以及
應扣借過倒馬價銀並察哈爾都統衙門咨交變價駝牛及馬駝皮張共得銀
兩細數逐款分晰具奏奉硃批知道了欽此欽遵在案今奴才自本年正月初
二日起至三月十六日止計兩個月零十五日共徵正額欽定盈餘銀一萬八
千一百三十一兩二錢九分已移交新任監督接收照例彙入下任錢糧數內
奏銷以昭畫一所有奴才任內辦理過變價牲畜皮張共得變價銀一千六
兩八錢五分應照例交廣儲司查收至定額盈餘款項除前經奏明動支外實
存盈餘銀三萬零六百二兩二錢二分二厘奴才一年所徵錢糧除正額並欽
定盈餘外又得額外盈餘銀一千五百六十兩以上通共應交銀三萬二千一
百六十二兩二錢二分二厘應交何處伏候命下遵行爲此謹奏請旨道光元

年三月二十九日

哈朗阿摺

奴才哈朗阿跪奏爲奏聞事竊奴才管理右翼稅務曾經奴才循例奏委內務府郎中彭年隨同辦理於嘉慶二十五年三月十三日起至道光元年三月十二日止一年期滿共收牲畜稅銀二萬三千九百十七兩六錢共收房地稅銀二千八百十六兩四錢七分二厘二共收銀二萬六千七百三十四兩零七分二厘除交戶部正額銀一萬零五兩一錢二分又房地稅銀二千八百十六兩四錢七分二厘下存羨餘銀一萬三千九百十二兩四錢八分內除遵照向例動發過犧牲所一年草豆銀八百兩河南道刷卷飯銀一百三十二兩戶部廣東司更差飯銀五十兩戶部貴州司付咨飯銀七十二兩交戶部錢糧隨項飯銀五十七兩零四分九厘署中書役公費飯食等項銀四千零五十四兩九錢一分署中心紅紙張銀一百二十八兩照例賞書吏銀八百五十八兩張家口南口書役人等盤費銀一百二十二兩以上共用羨餘銀六千二百七十三兩

九錢五分九厘均係查照向例給發除定額盈餘銀七千三百二十一兩四錢外尙多收銀三百十七兩一錢二分一厘共存盈餘銀七千六百三十八兩五錢二分一厘此項銀兩應否仍交造辦處之處伏乞皇上訓示遵行爲此謹奏請旨道光元年三月二十九日

廉善摺

奴才廉善謹奏爲奏聞事竊奴才管理左翼稅務經奴才循例奏委刑部堂主事景瑞隨同辦理自嘉慶二十五年三月十三日起至道光元年三月十二日止計任一年期滿共收牲畜稅銀三萬六千八百三十五兩八錢四分五厘又收房地稅銀三千二百七十九兩二錢七分三厘除交戶部正額銀一萬零八兩又交房地稅銀三千二百七十九兩二錢七分三厘下存羨餘銀二萬六千八百二十七兩八錢四分五厘內遵照向例發用過犧牲所一年草豆銀八百兩河南道飯銀一百三十二兩戶部貴州司付咨飯銀七十二兩廣東司更差銀五十兩交戶部錢糧隨項飯銀四十九兩七錢四分五厘三毫署中心紅紙